



Broj: 01-50-1-15-50/17

Sarajevo, 26.7.2017.

DOM NARODA  
PARLAMENTARNE SKUPŠTINE  
BOSNE I HERCEGOVINE

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:		28-07-2017	
Organizaciona jedinica	Klasifikaciona oznaka	Redni broj	Broj priloga

**Predmet: Obavještenje**

Predstavnički dom Parlamentarne skupštine BiH je na 50. sjednici, održanoj 26.7.2017., razmatrao sljedeće tačke dnevnog reda:

1. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlažać: poslanik Momčilo Novaković, zakon broj: 01-02-1-1374/17, od 30.5.2017. (drugo čitanje);
2. Prijedlog zakona o izmjeni Zakona o radu u institucijama Bosne i Hercegovine, predlažać: poslanica Maja Gasal-Vražalica, zakon broj: 01-02-1-1378/17, od 31.5.2017. (drugo čitanje);
3. Izvještaj komisije Klegija o nastojanju za postizanje saglasnosti o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlažać: poslanik Damir Arnaut, zakon broj: 01-02-1-687/17, od 10.3.2017. (zakon u drugom čitanju);
4. Izvještaj komisije Klegija o nastojanju za postizanje saglasnosti o Prijedlogu zakona o izmjenama i dopunama Zakona o upravi, predlažać: Vijeće ministara BiH, zakon broj: 01,02-02-1-770/17, od 20.3.2017. (zakon u drugom čitanju);
5. Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, predlažać: Vijeće ministara BiH, zakon broj: 01,02-02-1-1610/17, od 4.7.2017. (prvo čitanje), skraćeni postupak;
6. Izvještaj o radu Vijeća ministara BiH za 2016. godinu, broj: 01,02-50-19-1411/17, od 5.6.2017.;
7. Izvještaj o aktivnostima u vezi sa izgradnjom Pelješkog mosta i dešavanjima u vezi sa izgradnjom mosta na Savi kod Svilaja, podnosilac: Ministarstvo komunikacija i prometa BiH (realizacija poslaničke inicijative usvojene na 49. sjednici Predstavničkog doma, održanoj 5.7.2017.), akt broj: 01-50-1-1474/17, od 25.7.2017.
8. Izvještaj o radu Istražne komisije Predstavničkog doma PSBiH za utvrđivanje stanja u Izvozno-kreditnoj agenciji BiH, broj: 01-50-5-223-9,9/17, od 27.6.2017.;
9. Odluka o izmjeni Odluke o izboru članova Zajedničke komisije za nadzor nad radom Obavještajno-sigurnosne agencije BiH, predlažać tačke: poslanica Aleksandra Pandurević, akt broj: 01-50-1-15-50/17, od 26.7.2017.;
10. Razmatranje poslaničke inicijative Nikole Lovrinovića, podnesene 16.6.2017., koja glasi: „Na osnovu člana 8. Poslovnika Predstavničkog doma Parlamentarne skupštine BiH ('Službeni glasnik BiH', br. 79/14, 81/15 i 97/15), podnosim poslaničku inicijativu za uvrštavanje u dnevne redove narednih sjednica Predstavničkog doma i Doma naroda Parlamentarne skupštine BiH tačke pod nazivom: Izjašnjavanje domova Parlamentarne skupštine BiH o članu 7. st. (3) i (4) Poslovnika Parlamentarnog odbora za stabilizaciju i pridruživanje između Parlamentarne skupštine BiH i Evropskog parlamenta“, broj: 01-50-1-1508/17.;

11. Informacija o aktivnostima Agencije za nadzor nad tržištem BiH, materijal Zajedničke komisije za ekonomske reforme i razvoj, broj: 03/3-50-14-9-12-3/17, od 12.6.2017.
12. Informacija Vijeća ministara BiH o razlozima nepotpisivanja Ugovora o Transportnoj zajednici Jugoistočne Evrope, predlagač tačke: poslanik Sadik Ahmetović, akt broj: 01-50-1-15-50/17, od 26.7.2017.;
13. Preporuke s konferencije „Nacionalni javni radiotelevizijski servis Bosne i Hercegovine“, održane 13. i 14.6.2017. u Sarajevu, broj: 01/5-29-1341/17, od 21.7.2017.

\*\*\*\*\*

#### **Ad.1.**

Predstavnički dom *usvojio je u drugom čitanju* Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik Momčilo Novaković.

#### **Ad.2.**

Predstavnički dom *usvojio je u drugom čitanju* Prijedlog zakona o izmjeni Zakona o radu u institucijama Bosne i Hercegovine, čiji je predlagač poslanica Maja Gasal-Vražalica.

#### **Ad.3.**

Predstavnički dom *usvojio je u drugom čitanju* Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik Damir Arnaut, sa dva amandmana koji glase:

#### **Amandman I.**

U članu 2. Prijedloga zakona, kojim se u članu 126. važećeg zakona dodaje novi stav (2), u navedenom stavu (2) iza riječi: „sudske policije,“ dodaju se riječi: „zatvorske policije - straže,“.

#### **Amandman II.**

U članu 2. Prijedloga zakona, kojim se u članu 126. važećeg zakona dodaje novi stav (2), u navedenom stavu (2) iza riječi: „osim u odnosu na“ dodaju se riječi: “vozila iz stava (1) ovog člana,“.

#### **Ad.4.**

Predstavnički dom *usvojio je u drugom čitanju* Prijedlog zakona o izmjenama i dopunama Zakona o upravi, čiji je predlagač Vijeće ministara BiH.

#### **Ad.5.**

Predstavnički dom *usvojio je u prvom čitanju* Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, čiji je predlagač Vijeće ministara BiH.

#### **Ad.6.**

Predstavnički dom *nije usvojio* Izvještaj o radu Vijeća ministara BiH za 2016. godinu. Na prijedlog Komisije za vanjsku trgovinu i carine *usvojen je* zaključak koji glasi: „*Sugerira se Vijeću ministara BiH da promijeni metodologiju i način pisanja izvještaja o radu Vijeća ministara BiH, te da novu metodologiju vežu za program rada iz prethodne godine.*“

#### **Ad.7.**

Predstavnički dom *odgodio je raspravu* o Izvještaju o aktivnostima u vezi sa izgradnjom Pelješkog mosta i dešavanjima u vezi sa izgradnjom mosta na Savi kod Svilaja za narednu sjednicu Doma.

#### **Ad.8.**

Predstavnički dom *usvojio je* Izvještaj o radu Istražne komisije Predstavničkog doma PSBiH za utvrđivanje stanja u Izvozno-kreditnoj agenciji BiH. Predstavnički dom *usvojio je* zaključke sadržane u Izvještaju, koji glase:

- 1. Ističemo evidentnu potrebu i važnost daljnjeg postojanja IGA-e za kvalitetnu podršku bh. izvoznicima.**
- 2. Predstavnički dom PSBiH od Upravnog odbora i rukovodstva IGA-e traži:**
  - *podnošenje detaljnog dodatnog izvještaja Vijeću ministara BiH o stanju u IGA-i s prijedlogom mjera za daljnji rad u pogledu izbora optimalnog organizacionog rješenja, potrebnih izmjena zakonskih i podzakonskih akata, definiranja prava i obaveza osnivača,*
  - *da prati stanje sudskih procesa s posebnim osvrtom na poslovanje i trenutnu situaciju u vezi s Unis fabrikom cijevi Derventa i o tome informira nadležne institucije.*
- 3. Ističemo da je Vijeće ministara BiH u svim sazivima od formiranja IGA-e odgovorno za nekonstituiranje Međuministarskog vijeća (član 15. Zakona o IGA-i), a što je značajno uticalo na nedovoljan nadzor u poslovanju i probleme u funkcioniranju Izvozno-kreditne agencije BiH.**
- 4. Predstavnički dom PSBiH traži od Vijeća ministara BiH:**
  - *detaljnu analizu rada IGA-e uz poseban naglasak na poslovanje s Unis fabrikom cijevi Derventa u okolnostima nastalim usvajanjem plana finansijskog i operativnog restrukturiranja Unis fabrike cijevi Derventa,*
  - *hitno imenovanje Upravnog odbora IGA-e,*

- hitno donošenje konačne odluke u pogledu definiranja optimalnog rješenja za budući rad Izvožno-kreditne agencije BiH,
  - hitnu izradu i poboljšanje zakonskog okvira za rad Izvožno-kreditne agencije BiH.
5. Ističemo da IGA nije u potpunosti djelovala u skladu sa Zakonom o IGA-i. Postoje ozbiljne sumnje u nezakonito poslovanje Unis fabrike cijevi Derventa prilikom uvoza 65.000 tona repromaterijala radi prerade za daljnji izvoz koji nikada nije realiziran, te da Uprava za indirektno oporezivanje BiH nije zakonito postupala u slučaju praćenja uvoza repromaterijala, razduživanja PDV-a, te izvoza gotovih proizvoda Unis fabrike cijevi Derventa
6. Jedan primjerak ovog izvještaja treba dostaviti Tužilaštvu BiH.

#### Ad.9.

Predstavnički dom *usvojio je* Odluku o izmjeni Odluke o izboru članova Zajedničke komisije za nadzor nad radom Obavještajno-sigurnosne agencije BiH, u kojoj se riječi: „Nikola Špirić“ zamjenjuju riječima: „Borislav Bojić“.

#### Ad.10.

Predstavnički dom *odgodio je raspravu* o poslaničkoj inicijativi Nikole Lovrinovića.

#### Ad.11.

Predstavnički dom *odgodio je raspravu* o Informaciji o aktivnostima Agencije za nadzor nad tržištem BiH i Informaciji o stanju u oblasti nadzora nad tržištem neprehrambenih proizvoda u Bosni i Hercegovini za 2016. godinu.

#### Ad.12.

Predstavnički dom *usvojio je* zaključak poslanika Šemsudina Mehmedovića, koji glasi: „Traži se od Vijeća ministara BiH da dostavi Informaciju o Odluci / Ugovoru o formiranju Transportne zajednice zemalja Zapadnog Balkana i da dostavi odgovore na pitanja:

- Koje oblasti transporta obuhvata, a koje ne?
- Da li je eventualno usvajanje u koliziji sa usvojenim strateškim dokumentima u BiH?
- Da li Vijeće ministara BiH raspolaže analizom koja će pokazati koje su prednosti i nedostaci ovog ugovora?
- Koliko su transportna javna preduzeća spremna za otvaranje tržišta?
- Koliko je neophodno sredstava za obnovu i unapređenje infrastrukture u BiH?
- Da li će ovaj ugovor ratificirati Parlamentarna skupština BiH?
- Ko i kako će vraćati kredite?

#### Ad.13.

Na prijedlog Komisije za saobraćaj i komunikacije, Predstavnički dom *usvojio je* zaključke koji glase:

1. *Predstavnički dom Parlamentarne skupštine BiH traži od Odbora Javnog radiotelevizijskog sistema BiH da Domu dostavi Nacrt izmjena i dopuna Zakona o Javnom radiotelevizijskom sistemu BiH kojim će osigurati privremeno finansiranje javnih emitera u periodu od godinu dana, do utvrđivanja konačnog rješenja za finansiranje Javnog RTV sistema BiH.*
2. *Predstavnički dom Parlamentarne skupštine BiH traži od Interresorne radne grupe za analizu primjene Zakona o Javnom radiotelevizijskom sistemu BiH da hitno počne raditi.*
3. *Predstavnički dom Parlamentarne skupštine BiH zadužuje Vijeće ministara BiH da u roku od 60 dana izradi akcioni plan za rješavanje pitanja finansiranja Javnog RTV sistema BiH, u koji je uključena i finansijska pomoć za izmirenje dugovanja i obaveza BHRT-a.*
4. *Predstavnički dom Parlamentarne skupštine BiH ukazuje na značaj i hitnost potrebe da Parlament Federacije BiH u najkraćem roku provede postupak imenovanja članova Upravnog odbora Radio-televizije Federacije BiH.*

Na prijedlog poslanice Maje Gasal-Vražalice usvojen je sljedeći zaključak: „Zadužuje se Odbor Javnog RTV sistema BiH da dostavi cjelovitu informaciju o svom radu i stanju u RTV sistemu.“



